

重刊嶺南賢縣志



重修奉賢縣志卷十八

遺蹟志

古蹟

古岡身在縣治西南曰沙岡竹岡紫岡南屬於海西北與南滙接界又北絕浦江歷華亭上海界北抵吳淞江長百里入土數尺皆螺蚌殼世傳海中湧三浪而成其地高宜菽麥吳郡圖經云濱海之地岡阜相屬故謂之岡

身舊志參府志

三女岡在南橋舊圖經云吳王葬三女於此

附宋梅聖俞詩  
吳王葬三女因畱此岡名已化彼粲質合有蘭蕙生嬋

奉賢縣志

卷十八 遺蹟志

古蹟

娟夜月照晦藹朝霧平古  
魂如未泯不遠闔閭城

座鶴冢在陶宅明參議鍾宇淳墓旁宇淳父薇有座鶴記

刻石上竝舊志

仙人潭在邑廟西北大旱不涸

茶亭東傍柘瀝口前臨南橋塘東西往來要道有屋數楹前有古井冬夏不竭

仙水塘在阮巷鎮西南隅相傳 國初有水一潭冬夏不涸可拭目疾乾隆中於側造施公廟名仙水道院水遂涸今遺址猶存廟前通港仍稱仙水塘

焚香蕩在廟涇橋南半里許明初橋北有古廟七進香火

甚盛蕩卽當時泊舟處也廟涇亦以是名

花園角在八廿九畺明永樂時有劉氏花園以是得名

八角井在南橋鎮祖師堂內

古松二株在泰日橋鎮南元末隱士陳洪元手植跨塘建

橋故曰慕松

明行寺梅花三十二株一株一形陳太守廷慶額曰三十

二相古梅軒

### 第宅園林

衛文節公宅在蕭塘相傳崇福寺卽其地

草堂在蕭塘隱士葉以清居

奉賢縣志

卷十八 遺蹟志

一一

古蹟

海鶴軒在蕭塘隱士吳景元養鶴於此王蒙爲寫圖陶宗

儀記

樂靜山房衛仁復之居

仁復字叔靜膚敏七世孫上竝舊志

青野居明處士吳朗讀書處文徵明爲之額取唐人詩花

遠明村渚竹深青野居意

府志

改過齋在陶宅袁凱所築

附楊維禎記

至正九年春予游松之明日邢臺張叔温攜數客來見  
中一人昂然長癯然清言議風發可畏問爲誰則曰袁  
景文氏也明日景文來請曰凱先世而凱尙幼力自矯立  
子可潛翁以詩鳴於松先子早世而凱尙幼力自矯立  
頗知讀書屬文旣長益有志於學然褊質剛愎不能齷  
齷與閭里浮沉且又不能隱人善惡時時立物論爲臧  
否於是與俗寡諧人亦以此相詆若有所不容者今年

歲已強矣欲改是過故自顏其燕居之所曰改過而日  
自省焉敢求然異之曰人以過自諱者滔滔是也未有  
人之道予駭然改者聖如仲尼而幸聞過子路人告之  
有過自揭而求改之聖賢未嘗以過自諱此所以爲聖  
以有過則喜古之聖賢十年而能不矜劉忠定別溫公  
爲賢也謝上蔡別程子十年而能不改異時復見子松陵  
七年而能不忘妄語子信能知過而改異時復見子松陵  
之上昔之剛愎者柔矣臧否者嘿矣是子之信能改過  
也景文起謝曰藥石吾者惟先  
生一人敢不再拜如先生教

### 眞涇別業在貫涇側亦袁凱所築

附袁凱新除監察御史辭貫涇別業詩  
側席念賢俊旁求逮凡鄙謬當南宮薦重此柏臺委命  
嚴孰敢後中夜去田里鄰友贈予邁切切語未已妻孥  
獨無言揮淚但相視於時十月交悲風日夜起輕舟泝  
極浦瑟瑟響枯葦驚鳧亂沙曲孤獸嗥荒市回首望舊  
廬煙霧空迤邐撫膺獨長歎胡爲乃至此顧予久縱誕  
遠跡隨鹿豕及茲年已邁精氣固銷毀趨事深  
爲難速戾將是在是皇恩倘嘉惠還歸卧江水

### 奉賢縣志

### 卷十八 遺蹟志

三

第七園林

### 閱耕軒在瑤涇明陳士傑田居

附胡儼記  
余昔忝華亭學官嘗從郡邑長吏祀神海上竣事旋  
汎滄波道瑤溪而還時維仲春風日暄淑景物妍麗迺  
舍舟攜二三冠者散步於垂陽芳草之間有願一翁貌  
古而顛白衣冠甚都童載稼器指畫程督心舒目  
行閱耕於東臯南畝之上余異之揖而問曰翁沮溺之  
儔歟遭逢聖治不可忘世也其鹿門之行龐翁曰  
古者無不授田之家衣食足則教化行後世未作興故  
民無恆業苟無恆業則國異政家殊俗其於先王之教  
賢焉莫知所從矣故蘇秦之言曰使我有負郭田二  
頃豈能佩六國相印夫秦以口舌揣摩集穢孟侯取不  
義之富貴猶蝸蟻之搏臭腐醯雞之揣摩集穢孟侯取  
反意得志滿仁使當時之人波流風靡之害豈細故  
而不顧先王仁義之道不絕如綫其爲害豈細故哉  
其所由無恆業故耳使秦有恆業必知守縱不得爲  
智士仁人之所爲亦豈甘心於妾婦穿窬之行耶吾  
矣幸遇不干戈不饑饉不疾疫得自適而己余聞翁之  
樂故亦不沮溺不龐公惟以求得自適而已余聞翁之

言顧謂冠者曰真長者子其識之他日陳景祺氏適余  
手一卷而請曰家嚴閱耕軒願子記之余惕然而悟閱  
耕家瑤溪因以疇昔所遇衣冠狀貌詢之曰得非尊公  
乎景祺笑曰然於是述余昔之所遇并翁之所欲言錄為  
一通以寄景祺為

洪武丙子夏日

附練子甯銘

粒我蒸民時維后稷物土之宜是播是植峙乃錢鏹于  
彼西疇服勤匪懈庶其有秋其餉伊飶其笠伊糾曾孫  
至止嘗其旨否我場既登我庾既崇嗟我婦子同我歲  
豐酌彼春酒殺時牲犗登我庾既崇嗟我婦子同我歲  
服事於朝念于艱難庶用不佻我行伊何言適其野匪  
邀匪遊閱茲耕者萬邦屢豐天  
子之功我歌豳風以告無窮

### 友竹軒思親堂在瑤涇竝陳詢築

陳詢思親堂自詠

庭前喬木凌雲高層綠葉攢枯條忽然一夜西風發  
長號聲振揚波濤葉凋枝折久欲靜撼搖無奈風蕭蕭  
風蕭蕭幾幾時息孝子聞之淚盈臆劬勞欲報親不存但

### 奉賢縣志

### 卷十八

遺蹟志

### 四

第七園林

見孤墳長荆棘人生養親  
須及時莫待追思恨無極

曲村居在下橫涇陝西參政吳行恕及其孫河南參政忱  
皆居於此由村至亭林不十里舟行凡數十折因以曲  
名

柳溪在唐家行兵部郎中唐儼築於所居之左沿溪植柳  
因自號柳溪沈愷有記

五知堂在唐家行常山知縣唐之屏所居自題額

雙壽堂在潘塾淺沙塘南

府志誤  
作禧涇

明光祿少卿周庠奉親

之所張弼有銘

司馬莊在白沙里明張輔別業

附張弼記  
司馬莊者吾兄椿庭翁別業也以武庫先君爲司馬而名莊之  
武庫乃周官司馬之屬故人稱武庫武選車駕者十年  
之記所始也兵署四署或謂三世司馬其名莊之符  
今蓋事有偶然也政職方有橋亦以此名聞諸父老曰  
歟稱馬村橋蓋亦有因耳椿庭今以莊付子宏直治之  
舊愛其地臨曲水潮汐通利歲得常稔一可樂也俗尚  
儉樸不譁競趨薄不賭博爲偷二可樂也與姚氏世醫  
林樾相望其術宏大行俗不溺鬼三可樂也椿庭嚴家法  
謹禮教斥淫祀宏直能守之遠近能化之四可樂也孔  
子曰里人爲美庶幾乎近之則斯莊不徒以官稱也念  
弼來守南安歛餞于莊親戚內外門生故舊咸在亦嘗  
有詩矣記未作也今又四載始克記之是莊初無輪奐  
之美游衍之華而獲有場積有倉賈有區泊有  
步蔬有圃魚有沼濟有橋卽司馬橋也是爲記

曲水草堂在百曲港上姚蒙與其弟臨隱居之所有別室

曰海曙丹房張弼題其額且爲之記

奉賢縣志

卷十八 遺蹟志

五

第七園林

附張弼記

自司馬橋而西名百曲港村曰曲水村蓋自黃浦支流  
南入折而東行屈曲甚多故也村有著姓姚氏自宋以  
來以醫學教授起家四五百年仕雖不大顯世稱文獻  
今則通經學古游於庠序以事進取者雁序聯其將  
大乎其老成耆碩者曰蒙字以正號梅趣人稱之曰梅  
趣先生焉曰臨字以大號曲水者別築室於舊居之西  
曲水草堂所由名也曲水南北著姓有葛有于有余皆  
與吾家姻連姚旣儒而醫契分尤密不止姻連也弼念  
少事先君武庫主事公登舟或逗曉或宿而後返及旣  
曲水造西軒側聽講議承接舫酌或信宿而後返及旣  
長時又獨造焉揮翰題詠輒疥素壁或信宿而後返及旣  
蓋心實獨領言未能宣也別去廿餘年吾兄椿庭翁書  
來南安曰我在司馬莊惟爾欠草堂記一事時聒尊俎  
間可速辦之弼遂次第而書之且念朱子武夷九曲權  
歌與天壤竝垂蓋以人而重也顧弼何人敢髣髴哉但  
桑梓之敬不容已也爰作權歌十章使姚氏子  
弟歌之諷勸之意間存焉亦曲水一段故事也

百歲亭在潘塾杏涇西萬厯間顧子方爲其母陸氏建方

伯莫如忠記

上竝  
舊志

水雲深處在青村曹士璜

府志  
舊志  
均作曹璜

居

明貝瓊記畧

子嘗經竹岡絕黃浦斜迤而南繇橫涇至青林盤回百折如帶舟礙石不可行抵暮候海潮而上四顧徘徊念可築室讀書以佚吾老欲留而未能也一日曹君士璜遣介持圖示予其號水雲深處者即璜之所居實據青村之勝大抵天壤之間百年之頃至樂莫大於適意能適其意者不在章綬而在於一邱一壑昧者方且奔走通都大邑急於自售以徼利劫祿為事趨死地如歸者不亦悲夫璜能果於忘世蚤棄內外務日權孤舟與漁父往來暮色蒼蒼星月上升家童取鐵笛作龍吟三弄以和巴歛之歌則其寄興豈非高且遠耶余將去此而從之游共相忘於水雲之外矣此記據府志補

方塘小築在青村墅青霞宋際宅

市隱園姚秋澗之居

上竝  
府志

奉賢縣志

卷十八

遺蹟志

六

第七園林

雙桂堂在蕭塘鎮西北太常寺少卿袁璜宅莫如忠書額

貞復堂在十五保余采居

上竝  
舊志

南漪堂在蕭塘華杞宅楊維楨有記

怡晚堂在東新市御史宋賢第

上竝  
府志

紅葉樓在東新市西凝雲里中書宋天顯與幾社諸公倡

和處嘗延黃陶菴先生課子於此

保素堂在高橋翰林院侍講學士錢金甫第

鎌山草堂在青村徵君王光承與弟烈隱居處彭開祐有

記

德馨堂在灣周刑部員外周茂源第陸應暘書額

貽燕堂在蕭塘鎮北知府袁國梓居董尚書其昌書額

芝雲堂在南橋北街給諫徐賓第王時敏書額

上竝舊志

春藻堂步迴亭野曠軒在橫溪邵武守彭應麟所居

舊志參府

志

唐堂在陶宅中允黃之雋所居舊名寶善堂康熙五十七

年葺修之自記云昔元次山銘唐亭曰年將五十始有

此亭愜心自適與世忘情義蓋取諸此別有冬夜雨寮

亦自為記

舊志

傳耕堂在南橋花園浜隱士陳蓋所居雍正十年其孫基

新之黃之雋書額并記

奉賢縣志

卷十八

遺蹟志

七

第七園林

附余晉傳耕堂記畧

三吳古稱菰蘆水湍人輕俗尚嬉媮自洪武間允釐丕  
變驅江淮遊惰逐末者皆歸本務陳士傑先生首被南  
國之化其子景祺既貴終不忘稼穡之艱難乃顏其所  
憩之軒為閱耕軒一時名薦紳如管訥殷助胡儼方孝  
孺練子甯或為詩歌或為序記載在郡志家乘三百年  
來子孫散居四方隱顯無定雲孫穆如公始攻醫醫輒  
專家然卒不以教其子曰斯豈足以世其家哉吾聞諸  
管子之上子常為士農之子斯豈足以世其家哉吾聞諸  
其秀民之能為士者必足賴也是負未可以野處而暱  
何必不負未惟兩家庶足傳耳督其子辰赤奮勵下帷  
讀書恆至丙夜會海內如沸甲申鼎湖哀號明年城  
不守陳子猶杜門著書左右兵之動三日囊弓矢  
陳子歸白沙里守高曾之祠日授間黨春夏力田脩  
其疆畔秋冬築場圃索絢乘屋  
為作息之宮因扁曰傳耕堂

綠玉齋康熙朝給諫徐賓題請截漕賑濟一疏 俞旨施

行 賜 御書唐人流漸臘月下河陽詩及綠玉硯一

方遂築綠玉齋以誌 榮寵

編篷室唐汝詢西陽著書處在南橋江家澆

太和堂在橫涇東鄒廷瑚建沈荃作記

凝和堂在南橋鎮積善橋西內閣中書陳廷溥所構戴衢

亨書額

謙受堂在南橋陳廷慶宅翁方綱書額

晉圃在蕭塘東隱士張晉甫所居

附計東記

張子晉甫家在華亭縣三十里曰蕭塘一畝之宮而傍後有隙地為小圃種竹千百竿梅花三十樹橙橘二三十株讀書灌園不求聞達翛然樂也予攷蕭塘舊曰秦塘始皇南遊觀海時所築距上海五十里介於黃浦周浦之間夫黃浦受三泖五湖巨浸攷水利者言其瀦蓄

奉賢縣志

卷十八

遺蹟志

八

第七園林

宣歙若雪諸水最大從此經浦入海凡濱其間者土田肥美不患燥濕周禮辨壚壤隄五穀各有土宜其不宜者農圃不敢植獨蕭塘兩浦數十里間高下俱膏腴無不可植之物大至木棉桑麻小至果蔬瓜芋所獲倍他邑張子居此亦樂矣張子又自言家居賓客祭祀雞豚之外皆取給於圃旁又有蕉三十本有綠天書屋三楹今即以予名予圃誌予賣晉土物不敢盡地力之意予曰善請為之記

後圃在橫涇東光祿寺典簿鄒廷璧所居有文漪堂玉樹

堂水月樓舒嘯軒飲香亭竹石居眾香谷片玉山手花

齋諸勝王太常時敏書額陸談璘有記

君子亭在後圃南百餘步荷池中今廢

白沙小谷乾隆九年州司馬鄒如孟築有柳渚寸秋亭歐

舫映竹沙竹深軒水木清華虞山王應奎有記

興園在陸典橋明經顧紱所築方廣二十餘畝有秋水廊  
讀易草堂小孤山贈春亭紫薇岡羨魚磯溪口亭養正  
書屋狎鷗灘度鶴亭竹林青閣寶穡軒五老峰峰皆明  
孫雪居隸書可識者四曰獨秀曰舞仙曰搏雲屏曰藏  
燕谷又有藏密塢致遠臺小山招隱亭華亭王永祺有  
記上園圃  
竝舊志

南園在陶宅爲八景之一又名雲所園今補

附袁凱賦陶輿權雲所二首  
豈有從龍意還同野老居履花初冉冉度水亦徐徐隴  
上時相逐溪邊或自鋤猶能作霖雨沾灑及鄰墟斯  
人肥遯士高卧亦無心埜樹留餘潤春花覆遠陰近牀  
衣欲冷拂石坐還深爲  
問陶宏景何如隴上吟

奉賢縣志

卷十八 遺蹟志

九

第七園林

秋水園在浦南張繡儀彬儀兄弟築有閒閒居伴山亭雲  
深處超然堂涵碧軒桂巖觀成樓聽流軒龔嶸有記舊志  
一邱園在南橋積善橋東陳安仁及從子遇清文錦所築  
有濟鳥臺小桃源留雲塔滌硯池錦魚溪日月泉友松  
嶺迎月軒鏡心亭一綫天爲南園十景

坊表

興賢在縣  
學左 育材在縣  
學右

華亭分邑在縣  
署左 言子留蹤在縣  
署右 今改戚藩舊蹟言

哲流風

馳封在東新市爲  
御史宋賢立

青雲接武

在青村港北為張弼及子宏宜至立上竝舊志

海秀

在青村港為張弼立

三世司馬

在陶宅鎮為張弼立上竝府志

諫議

在陶宅鎮為鍾宇瀆立

鴻臚

在蕭塘東北為何廣立

世桂

在萬年涇側為宋瑛立論堯俞堯明堯武立

世經科第

在巨漕側為高夔立

進士坊四

一在南橋為陳詢立一在千步涇為王舉立一在洋涇為唐楨立一在虹橋為王明時立

舉人坊

在千步涇左為王舉立

父子雙孝

在半岡口為孝子汪思遵顯曾立

奉賢縣志

卷十八 遺蹟志

十

坊表

昇平人物

在六里墩為耆民李玉如立

義士坊

在虹橋為王仁立永樂中仁出粟賑飢多所全活事聞於朝建坊旌表上竝舊志

旌節坊

明故民金汀妻張氏

在高屋堰舊志

諸生李泮妻汪氏

在西門內蔡宅前舊志失載今補

生員盛鶴妻宋氏

在東新市

國朝生員唐江妻王氏

在三里橋

監生宋雍妻顧氏

在青村港鎮

敕贈儒林郎蔣丕績繼妻沈氏

在阮鎮

蔣元璋妻葉氏

在阮鎮

鄒維寶妻范氏 在東岡半

監生鄒維嶽妻葉氏 在盛庫家

貢生鄒維甯妻曹氏 在十畝九

徐章妻顧氏 在南橋北鎮

吳嘉錦妻程氏 在南岡竹

生員李永鎬妻張氏 在北徐濱家

吳振元妻周氏 在莊南行

監生韓方川妻吳氏 在韓村

陸蘭生妻陳氏 在陸庫家

生員袁豐年妻蔣氏 在蕭塘北

奉賢縣志 遺蹟志

贈待詔陸宗盛妻姜氏 在李橋匠

貢生莊永年妾沈氏 在千步側涇

生員鄒金煜妻唐氏 在十畝七

周翼峰聘妻徐貞女 在東灣周

衛鼎九妻朱氏 在白沙里

陳璋妻屠氏 在北岡竹

費承江妻何氏 在永福廟東

范紹廷妻宋氏范繼祖妻盛氏 在東市新

宋洵若妾王氏 在高橋鎮上竝舊志

裴超妻張氏 在十五保五十八畝

文學曹衡山妻蔡氏

在景福橋

監生衛鎬妻裴氏

在嘉慶五十八年立

文學吳材杰妻周氏

在副七嘉慶十八年立

監生莊繩繹妻鞠氏監生莊繩謨妻范氏

在南橋鎮雙節上竝府志

儒童錢藹士妻葉氏

在泰日橋瑞芝禪院側

周氏節孝坊

在泰日橋西南運鹽河職員周杰立竝建總坊

儒童陳文瓚妻陶氏

在二十三保二六畝

儒童劉傳岩妻陳氏

在十五保五十九畝

節孝總坊

在邑城節孝祠內道光八年監生高金蘭倡捐董事宋三榮經建

儒童胡體仁妻姚氏

在阮巷鎮東道光九年立

奉賢縣志

卷十八

遺蹟志

十一

坊表

儒童程錦文妻陶氏

在南橋西十三保十四年立

監生唐德元妾張氏

在十二保十五年立

監生范用周妻徐氏

在蕭塘鎮北道光十五年立

旌義坊

在十四保十四畝張澤港口道光十五年張言儒立御賜樂善好施四字

冢墓

吳大將軍宛陵侯諸葛瑾墓

在十五保泰日橋西明天啟壬戌鄉民陳廷宇樵其處以

所荷擔卓地即墜入堦然有聲拾之不可得俯而瞰中黑窳發視有碑碣知為瑾墓江南通志國朝雍正

九年知縣舒慕芬於其地得殘碑重為立石

前蜀丞相潘葛妻李氏墓

在潘塾北杏涇之左碑上有天漢四年葬五字

宋張澄墓

在十五保三十八畝澄號斗山邃易學負奇居陳策政府弭寇減稅海鄉至今賴之沒葬所居

異隅子孫七世祔焉贈兵部主事  
熊應卽南安守弼之父弼自爲記

元隱士楊漁隱墓在純陽庵東

隱士李稼翁墓在黃橋山

隱士華雲林墓在純陽庵前

隱士姚愚默墓在銜水闕

朱柯墓在橫涇

附貢師泰銘

紫陽蒼蒼道久彌光葉大枝蕃散於四方華亭之裔實  
當四世潛德弗耀蔚有奇氣如彼梗楠弗棟弗梁如彼  
椅桐弗徽弗張天賦之秀宜畀之厚胡嗇其祿又微其  
壽子孫洗洗戩穀爾臻  
我銘有徵視此刻文

兵部主事陸友仁墓在白沙村

奉賢縣志

卷十八 遺蹟志

十三

冢墓

明布政使陳禎墓子國子監祭酒詢孫順德通判軌祔在瑤

涇明顧清志銘

義士王仁墓子封禮部員外郎璫孫皋祔在千步涇東

方正學遺孤必昌墓在金滙塘西北列字圩長浜之陽董其昌題碣

隱士江暹墓在半岡側錢溥志銘

禮部郎中唐禎墓在蘆溝北郭志在金滙塘鉛山費宏志銘

御史蘇恩墓在沙岡西

御史宋賢墓在十五保倪家橋

福建邵武府知府彭應麟墓在浦南龍溪徐階銘

翰林院孔目何良俊墓在半岡東

光祿寺少卿周庠墓

在潘塾坊表磨滅石獸猶存俗呼石馬墳

禮部郎中何良傅墓

在海月庵西岡

兵部郎中唐自化墓

在庵岡北

贈大理寺少卿宋堯俞墓

在瑤涇馮時可志銘

子懋澄祔

參政唐本堯墓

在金滙塘門人工部右侍郎金谿胡桂芳志銘

參政宋堯武墓

在巨漕東陸樹聲志銘

封諫議大夫鍾薇墓子給事申宇淳祔

在陶宅西貫涇舊志誤今改正

按察司副使王明時墓

在干步涇側

孫工部員外郎鍾彥祔

按察司經歷張之象墓

在望河涇東莫如忠志銘見青志俟考

參議殷廷樞墓

在十五保二十四畝上竝舊志

奉賢縣志

卷十八 遺蹟志

十四

冢墓

刑部侍郎錢士貴墓

在泰日橋東九曲港內舊志誤今改正

高士王光承墓

在蔡家橋舊志

都察院右副都御史胡斌墓

在十二保十五畝出字圩

太常寺少卿袁煇墓

在白洋河舊志

莊庸墓

在莊行鎮西子孫繁衍迄今五百年上有冬青樹俗呼冬青墳

陳履熙墓

在十九畝東寒字圩乾隆二十二年元孫候選縣丞陳文錦置墓田以供祭掃

義士陳瑛墓

在方十畝西洪字圩

國朝浙江嘉興府知府袁國梓墓

在莊行鎮南舊志

侍講學士錢金甫墓

在泰日橋南海螺港內舊志誤今改正

山東高苑縣知縣宋弼墓

在青村港東南

給事中徐賓墓 在南橋鎮北 舊志

河南光山縣知縣楊丕謨墓 在十四保 二十三畝

蕭縣訓導徐基墓子甯遠縣知縣湄祔 在十五保 五畝 舊志

御史張仕遇墓 在十三保 三十九畝

旌表父子孝子汪思遵子顯曾墓 在十三保 二十一畝

贈朝議大夫諸生陳基墓 在十四保 方十畝 西光祿寺 卿王鳴盛銘 上竝府志

贈山西稷山縣知縣錢錫璋墓子源龍祔 在錢家宅東 十五保 三十畝

贈湖南辰州府知府陳遇清墓 在十二保 二十一畝 光字 圩巡撫阮元志 銘

四川打箭爐同知陳文錦墓 在十三保 三十九畝 上二墓 竝府志

湖南辰州府知府陳廷慶墓 在道院鎮南 十四保 方十畝 前松江府知府楊樹基誌

奉賢縣志 卷十八 遺蹟志 十五 冢墓

直隸易州知州李坤墓 在泰日橋東 二十七畝 龍家港

浙江甯波府知府林鈞墓 在二十五畝 湯家橋西 露字 圩

浙江餘姚縣縣丞唐復亨墓 在阮子山陽縣訓導溥利廣巷西

西義甯縣典史廣利祔

浙江定海廳同知陳繩武墓 在邑城北門外 十五保 六十畝

浙江龍游縣縣丞程發墓 在十四保 二十七畝

錢烈女墓 在十三保 四十三畝 半岡之東 側

貞孝吳孺人墓 在十三保 四十畝 佛閣北

戚氏媽媽墓 在十五保 八畝 墓誌字 跡 半磨滅 事見節孝傳

娉娘墳 在十五保 十畝 事見節義傳

外縣冢墓

宋贈大中大夫禮部侍郎衛膚敏墓 在佘山

明御史袁凱墓 在郡東門外賢游涇

浙江錢唐縣知縣葉宗行墓 在華亭莘莊春申橋南

江西南安府知府張弼墓子副使宏宜都給事中宏至孫

建陽縣知縣其協光祿寺署丞其悰曾孫封修撰德璨

祔 在鳳凰山

編修高承祚墓 在婁縣三十保七畝

禮部侍郎諡文恪唐文獻墓 在婁縣二里涇龍興橋北萬曆三十三年賜葬

山東常山縣知縣唐之屏墓 在佘山東麓昭慶寺西

奉賢縣志

卷十八 遺蹟志

十六

冢墓

提學副使方應選墓 在金山斜橋東

右諭德張以誠墓 在婁縣珠橋鎮東南上竝府志

江西建昌府知府胡開文墓 在阮巷鎮北

福建上杭縣知縣陳正中墓 在南滙五十七畝南界河北舊志

布政使朱國盛墓 在南滙行頭鎮東

國朝高士吳騏墓 在辰山點易臺畔

浙江處州府知府周茂源墓 在金山方一畝

廣西南甯府推官李延渠墓 在南滙十六保

中允黃之雋墓 在佘山西址後

太常寺卿高層雲墓 在華亭張堰上竝府志

河南涉縣知縣夏際唐墓一在十二保二十

廬州府教諭朱恆墓附在婁邑

附墓志

吾師半畦先生既歿之二十五年其弟子鴻章始克表  
於其墓欲一志其世德行義而人往風微家乘遺軼門  
惟婦孺無能舉其略而發其凡焉嗚呼是可哀已先生  
諱恆字半畦奉賢朱氏生平砥行績學尤善為制舉之  
文以道光辛卯孝廉授廬州府學教諭辛丑成進士復  
以知縣回任候銓既與先大夫周旋京邸雅慕其人以  
書諭鴻章從先生遊請益問業有誨無倦越二年癸卯  
鴻章舉優貢就試京兆遂登賢書捷南宮供職詞館蓋  
得力於先生之教為多戊申假歸謁先生於學署言論  
風采彌益粹然有以化人之矜而作其敬迨己西北上  
而先生遽以是年十一月朔一日卒於官先是先生有  
二子皆清才能嗣其業不幸早世先生慟門祚之衰薄  
道藝之無傳常鬱鬱莫能自克以是不永其年尤可傷  
也經時喪亂音問隔絕  
今上初元鴻章奉命來撫吳下駐軍松滬間欲展先生

奉賢縣志

卷十八 遺蹟志

十七

冢墓

墓廬而父老已無知者兵燹之會閭閻蕩析孤嫠伏處  
不顯於鄉其闋絕無聞也固宜至於今又十年始獲訪  
於其家得先生墓於郡城西關外一里許地為婁邑之  
附二畝既致金附先生之粗髯更識其處而先生出處  
歲從孀母祭於先塋其髮數十年後即此一大略  
嘉言懿行已無能得其髣髴更識其處而先生出處  
而幾何不侵也吾嘗疑而造物窮通之數與人事修為若相  
反者先生負瑰奇亮特之資在學官循循善誘扶植士  
氣獎掖先生負瑰奇亮特之資在學官循循善誘扶植士  
而施道為愛人之本乃未竟其尺寸出所蘊蓄必稱量  
以學道為愛人之本乃未竟其尺寸出所蘊蓄必稱量  
理洵難言矣仁者必有後乃復奪其嗣而構其艱抑又  
何也千古文人之厄孰甚於是雖然保衛先哲是邦賢  
士大夫之責也爰為表章一揭諸墓道使過其下者  
歛歛太息或歷久而不忘愛護云爾時同治十二年秋  
八月保武英殿大學士直隸總督一等肅毅伯加一等  
子太尉賜進士出身誥授光祿大夫欽差大臣太  
騎都尉世職合肥  
門人李鴻章謹表







心乎是以不憚多方為之區畫此聖人所以盡人之性也我國家仍前代義冢之制廣為置地蠲除賦稅復諭民間凡有好義舍田捐貲設立義冢者該有司核實詳報加以獎勵可謂仁至義盡者矣於是遠近善良感被德化鼓舞而赴義者所在多有奉賢縣之十五保二十五畝伯陽廟後舊有義冢濱於河歲久河水衝噬地益迫隘不能容拋棄暴露月增歲益里中周魯東山目擊心測亟籌處置之宜乃即於舊基之前捐己田三畝有奇別立冊戶永為座埋之地當事以仁義宅心褒之洵不虛也夫天地之大猶有憾博施濟眾堯舜難之惟知其然而必為之設法立制以輔相救故人事與天地所以竝立為三才也君子惟盡其力之所能為者而已矣曰新其力而徒委於氣數之窮將匡濟皆無用乎且君子務本仁民愛物遞有差等然斷一樹殺一獸不以其時謂之非孝則親與仁愛理本一而分殊耳物且然而況於同類苟於民物漠然而謂其能務本吾未見其人也今幸生清晏之世家溫而享厚不思稍有利益於竝生之人而惟汲汲於封殖生不布施死而含珠南華寓言其砭愚也至矣周君此舉仰體皇慈推廣

奉賢縣志

卷十八 遺蹟志

二十一

義冢

聖澤雖為德於一鄉而推之即茂育之事豈非知本而能錫類者哉周君讀書植行具經才雖未用於時而講求一時務皆可坐言起行非處士盜虛聲者可比即此已見一斑是役也經始於乾隆五年至明年乃蒞事焉遂書其事俾鑿諸石以示後人云 舊志

廣孝阡在十四保一區副九畝共中鄉田二十六畝九釐

九毫生員汪如倫捐建以六畝作公冢葬嫡族之無力

安葬者餘田即作膳墳之產詳府立案

舊志

莊氏厚終阡在十三保三十八畝雨字圩道光間諸生莊

鏡新捐置田四畝以葬族中無力者

道光十五年貢生周誠等捐置義冢田四十六畝九分三

釐五毫

十五保二十八畝七分七釐三毫 二十九畝二分七釐八毫 三十畝十畝一分五釐

三毫 三十八畝十七畝六分八釐七毫 十二保十五畝八畝三釐六毫 十三保三十一畝八畝一分

十九年監生錢增貢生宋三榮捐置義冢田九畝五

分一釐六毫

十三保三十八畝五分五釐四分五毫 十五畝四畝一分六釐二毫

二

十五年監生程道徵捐置義冢十三保四十三畝田三

畝六分 咸豐十一年監生陳廷楷捐置南橋義冢十

三保三畝田二十一畝一分五釐二毫

廣義阡在南橋十三保十七畝田二畝零道光三十年董

事陳光适汪淇等勸捐葬埋寒門舊族及有子姓之家

無力營葬者報局始葬如暴露棺木及路斃乞丐仍由

同善分堂收埋至葬法分大吉祥三字爲號大字夫婦

奉賢縣志

卷十八

遺蹟志

二十二

義冢

同葬吉字單男祥字單女如本人自備灰沙者聽便其

公局房屋坐落十三保四十二畝純陽堂東偏咸豐十

一年冬逆擾被燬無存同治九年監生吳文豹捐十三

保十七畝西寒字圩一百七號田一畝六分一百九號

田二分一百十號池二分共田二畝以廣阡地十一年

由汪淇在舊址建屋三間

廣義阡在青村港十五保三十九畝同治八年司事吳昌

賢等將該畝廣福庵廟田段字圩三百二十一號田一

畝二分七釐又俞稼書同號田一畝三分八釐二毫共

田二畝六分五釐二毫均作義阡葬埋無告窮民及客

商店夥其費就於本鎮勸捐按年埋葬

倭子墳在五十一畝野人村西濱世傳殺倭寇於此

